



Broj: 16-12-16-2572-9 /21  
I. Sarajevo, 22.05.2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 21.05.2021. godine, na preporuku Komisije za provođenje postupka nabavke za potrebe Državne agencije za istrage i zaštitu u 2021. godini broj 16-12-16-2572/21 od 21.05.2021. godine, u otvorenom postupku javne nabavke rezervnih dijelova za održavanje vozila za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### **ODLUKU**

o izboru najpovoljnijeg ponuđača u otvorenom postupku za dostavljanje ponuda za javnu nabavku rezervnih dijelova za održavanje vozila za potrebe Državne agencije za istrage i zaštitu

#### **Član 1.**

Prihvata se preporuka Komisije za provođenje postupka nabavke za potrebe Državne agencije za istrage i zaštitu u 2021. godini broj 16-12-16-2572/21 od 21.05.2021. godine i ugovor u postupku javne nabavke rezervnih dijelova za održavanje vozila za potrebe Državne agencije za istrage i zaštitu, dodjeljuje se:

- Ponuđaču "TOTAL TRADE" d.o.o. Doboј, ponuda broj 16-12-16-2572-6/21 od 15.04.2021. godine, za ponuđenu cijenu 13.735,00 KM bez uračunatog PDV-a.

#### **Član 2.**

(1) Ponuđač "TOTAL TRADE" d.o.o. Doboј obavezan je ugovornom organu dostaviti dokaze o ispunjavanju uslova iz tač. 11.1. i 12.2. Tenderske dokumentacije.

(2) Dokaze iz stava (1) ovog člana (original ili ovjerena fotokopija) ponuđač je obavezan dostaviti ugovornom organu u roku od pet dana od dana prijema Odluke.

#### **Član 3.**

Ova odluka se dostavlja ponuđaču u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

#### **Član 4.**

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

#### **Član 5.**

Ova odluka stupa na snagu danom donošenja.

## O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija), broj 16-12-16-2572-1/21 od 17.03.2021. godine, pokrenut je postupak javne nabavke rezervnih dijelova za održavanje vozila za potrebe Agencije, procijenjene vrijednosti 52.000,00 KM bez uračunatog PDV-a. Novčana sredstva za realizaciju navedene nabavke obezbijedena su u okviru budžetskih sredstava za 2021. godinu, a na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period januar-mart 2021. godine („Službeni glasnik BiH“ broj 1/21) i Dokumenta okvirnog budžeta 2021.-2023. godina. Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je tačkom 22. Tenderske dokumentacije navedeno da je rok za dostavljanje ponuda 15.04.2021. godine do 12,00 sati, te da se ponude dostavljaju u zatvorenoj koverti, Komisija je dana 15.04.2021. godine u 13,00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da je u ostavljenom roku pristiglo četiri ponude na Pisarnicu Državne agencije za istrage i zaštitu.

Na javnom otvaranju ponuda nije bilo prisutnih predstavnika ponuđača.

Blagovremeno je dostavljeno četiri ponude i to:

R.br.	Broj protokola	Naziv ponuđača	Datum i sat prijema ponuda
1.	16-12-16-2572-4/21	DRR "AUTO" d.o.o. Kiseljak	15.04.2021.godine u 9:40 h
2.	16-12-16-2572-5/21	"KARE" d.o.o. Sarajevo	15.04.2021. godine u 09:45 h
3.	16-12-16-2572-6/21	"TOTAL TRADE" d.o.o. Doboj	15.04.2021. godine u 09:55 h
4.	16-12-16-2572-7/21	"AUTOELEKTRA" d.o.o. Sarajevo	16.04.2021. godine u 10:40 h

R.br.	Naziv ponuđača	Ponuđena cijena u KM (bez PDV-a)
1.	DRR "AUTO" d.o.o. Kiseljak	21.300,00
2.	"KARE" d.o.o. Sarajevo	24.751,42
3.	"TOTAL TRADE" d.o.o. Doboj	32.192,08
4.	"AUTOELEKTRA" d.o.o. Sarajevo	25.570,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja prihvatljivosti dostavljenih ponuda u smislu Pravilnika, te njihove kvalifikovanosti shodno uslovima navedenim u Tenderskoj dokumentaciji.

Uvidom u sadržaj dostavljenih ponuda Komisija je utvrdila da ponuđači DRR "AUTO" d.o.o. Kiseljak, "KARE" d.o.o. Sarajevo, "TOTAL TRADE" d.o.o. Doboj i "AUTOELEKTRA" d.o.o. Sarajevo, ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti. Takođe, Komisija je utvrdila da navedeni ponuđači ispunjavaju formalno-pravne uslove iz Tenderske dokumentacije, te da ne uživaju preferencijalni tretman domaćeg.

Obzirom da je za postupak javne nabavke rezervnih dijelova za održavanje vozila za potrebe Agencije, Tenderskom dokumentacijom predviđeno provođenje e-aukcije, Komisija je 18.05.2021. godine sačinila Zapisnik o ocjeni prihvatljivosti ponuda za predmetni postupak javne nabavke, te zakazala e-aukciju za 21.05.2021. godine, u 14,00 sati u trajanju od 10 minuta.

Prema Izvještaju o toku i završetku e-aukcije od 21.05.2021. godine, Komisija je sačinila konačnu rang listu ponuđača koji su učestvovali u postupku e-aukcije za predmetni postupak javne nabavke, kako slijedi:

Redni broj	Naziv ponuđača	Vrijednost ponude (bez PDV-a)	Rang
1.	"TOTAL TRADE" d.o.o. Doboj	13.735,00 KM	1
2.	DRR "AUTO" d.o.o. Kiseljak	13.757,00 KM	2
3.	"AUTOELEKTRA" d.o.o. Sarajevo	15.079,00 KM	3
4.	"KARE" d.o.o. Sarajevo	24.751,42 KM	4

Cijeneći naprijed navedeno, prihvaćena je preporuka Komisije i odlučeno da se ugovor u postupku javne nabavke rezervnih dijelova za održavanje vozila za potrebe Agencije dodjeli ponuđaču "TOTAL TRADE" d.o.o. Doboj, kako je navedeno u članu 1. ove odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima x4;
- Sektoru za mat.-fin. poslove;
- a/a.

GLAVNI GENERALNI INSPEKTOR POLICIJE

